



2012 - 2013

Numerò 102

Bulletin interior  
de l'associacion

## SOMARI

- P. 3 *Lo mot del Cap-redactor*  
*Lo mot del President*
- P. 4 Novèlas de l'associacion
- P. 9 Anònacia serada : lo mot del vièlh...  
Poesia : Aristidas Salèras
- P.11 Conte poetic : *La Font del Biule*
- P.12 Conte : *Lo Conte messorguièr de Diethmarsch*
- P.13 Los mòts qui cau : *Lo « jogging »... e lo « trail »*
- P.14 Poesia : *Los farfadèls*
- P. 15 Poesia
- P.16 Conte : *Camp / Contra-camp*
- P.17 Conte : *Los botarèls*
- P.21 L'occitan blos : *Genièr*
- P.22 Edicion : *Dictionnaire toponymique des communes du Lot-et-Garonne*
- P.25 Edicion : *Autre libre sus la toponimia*
- P.26 Saviesa occitana : *Quauques provèrbes pauc coneeguts...*

\*\*\*

*Una flor fa pas la prima !*



Director de la publicacion : *Marcèu Esquieu*  
**Escola Occitana d'Estiu (EOE-IEO 47)**  
16 rue de Pujols  
47300 VILANUÈVA d'ÒUT  
Tel & fax : 05 53 41 32 43  
Corrièl : [eo@wanadoo.fr](mailto:eo@wanadoo.fr)  
Site : [www.eoe-oc.org](http://www.eoe-oc.org)



*Urosament, Camins d'Estiu vos presenta  
un florilègi de prima !*

**ESCÒLA OCCITANA D'ESTIU (EOE-IEO 47)**

## COTIZACION 2013

L'Escòla Occitana d'Estiu (EOE-IEO 47) es una seccion de l'Institut d'Estudis Occitans. Las cotizacions dels sòcis son fixadas per l'IEO "Nacional".

Lo pagament de la cotizacion vos permetrà de recebre lo bulletin de ligason de la nòstra associacion, de participar a la nòstra Amassada Generala, de recebre "Occitans !" la revista de l'IEO Nacional e de participar a l'Amassada Generala de l'IEO Nacional.

**1• Tarifas** de la cotizacion pels que **son pas sòcis** d'una autra seccion departamentalala : individuala 30 €, cople o associacion 38 € e individuala tarifa redusida 12 €. Aital seretz sòci de l'EOE-IEO 47 e de l'IEO.

**2• Tarifas** de la cotizacion pels que **son ja sòcis** d'una autra seccion departamentalala : individuala 12,50 €, cople o associacion 12,50 € e individuala tarifa redusida 4,50 €. Aital seretz sòci sonque de l'EOE-IEO 47.

---

**BULLETIN D'ADESION *de mandar a :***  
**EOE-IEO 47 - 16 rue de Pujols - 47300 Vilanuèva d'Òut**

Nom : ..... Petit nom : .....

Adreça postal : .....  
.....

Tel : ..... Corrièl : .....

Sèi ja sòci d'una seccion departamentalala fòra d'Òut-e-Garonna, pagui .....€  
(mencionar lo departament : .....

Sèi pas sòci d'una autra seccion departamentalala, pagui .....€

## *Saviesa occitana*

### **Quauques provèrbes pauc coneuguts...**

- . **Parlar contra lo temps o lo governaments**  
Aquò's plan pèrdre son temps !
- . **Malur a lo que naís enclutge**  
Al lòc de nàisser martèl !
- . **Lo que compta suls soliers d'un mòrt**  
Risca fòrt de demorar pè-descauç !
- . **Se vèses la barba de ton vesin brutlar**  
Pòdes botar la teuna a trempar !
- . **Se morisses ongan,**  
ne seràs quite per l'an que ven...
- . **Tard arribat manja pas sopas.**
- . **I a pas mai de cocuts**  
que de gendres...
- . **L'òr , la gala e l'amor**  
Pòdon pas durar totjorn !
- . **Lo que vei lo limauc a portada**  
Es gaireben segur de lo préner...
- . **An panat l'ase, barra l'estable !**

*Joan RIGOUSTE*

## *Mot del Cap-redactor*

Un còp de tron dins lo Landernau scientific.  
E quò's pas un peisson d'abril.

Aprèp vint ans d'estudisses minimoses, laborioses, de mesuras sur las populacions estadissas e barrutlairas, la resulta n'es pas cap condamnable.

D'unas indiscrecions dels cercaires de l'Universitat de Montpelhièr avián ja anónciat l'abotissament de sas recèrcas. La parucion dins la revista americana « The Intelligent » dels trabalhs del Dr Aluserpit te bo-tèt lo fuèc a las polvèras.

Lo cervèl, dins lo Sud-Oest es mai bèl que non pas dins lo Nòrd.  
Siá, mas perqué ?

L'embucada de las aucas desenvolupa lo fetge de la bèstia, mas non pas lo cervèl de l'embucaire.

« Pensèrem, çò primièr al solelh, çò diguèt Gilabert Aluserpit, que son orientacion particulara li permetriá de melhor dintrar dins l'aurelha e doncas de tocar mai prigondament lo cervèl. Puèi, solide, al vin ! Mas, se lo vin, de segur te rend abelugat, te fa pas créisse la talha del cervèl.

D'uèi, o n'avèm la pròva e sens pas cap de doble : lo fait de legir lo Camins d'Estiu secrèta una ormòna de creissença que s'arrapa sus las cel-lulas del cortex cerebral.

Per èstre intelligent, lo cal legir de longa e menimosament ! »

*Felip DEPAIRE*

## *Mot del President*

### **Èstre mai vesedors**

Tenèm l'Escòla Occitana cada mes d'agost dempuèi un quarantenat d'ans, la Quinzena occitana d'Òut e Garòna n'es a la quatrena edicion, los cors per adultes se son desenvolupats (cal saber pr'aqueù que riscam de pas poder manténer un parelh de cors per manca de professor benevol)... I a un projècte seriós de Calandreta a Agen, e doas seccions bilinguas dins l'ensenhamant public an espelit en 2012 e 2013.

Mas la question occitana es lonh d'èstre presenta dins lo debat public. Trobaretz pas gaire de candidats a una eleccion politica que parlaràn es-pontanèamente de l'occitan dins lors documents electorals.

Las enquèstas passadas (ja de quauques ans) mòstran un simpatia de la populacion per la lenga occitana. Mas dins la realitat aquela simpatia demòra globalament passiva, mena pas a un engatjament efectiu, levat poncialament. Sèm mai que minorizats, avèm pas d'existéncia publica.

Ne coneissèm la rason fondamental : mai que tot autre Estat, lo nòstre a dempuèi de sègles considerat que la diversitat linguistica èra lo contrari d'una valor, e que la caliá far disparéisser ; e aquel condicionament ideologic, que contunha de s'espandir dins los medias, es majoritàriament acceptat per la populacion : pas al país basco, probable, mas si ben en Occitània.

La reculada sus las promessas per las lengas regionalas (ensenhamant, carta europèa), que, finalament, riscan d'estre pas tenyudas, mòstra lo manca de consideracion de l'Estat fàcia a las lengas dichas regionalas. Avèm rason de nos ne plànger.

Mas cal pas oblidar que, dins las decisions politicas, lo rapòrt de las forces compta plan mai que la valor humana dels projèctes o de las idèas. Fau pas aicí una critica populista de la « classa politica »; soi estat cònsol, e sabi qu'un responsable politic s'interessarà gaire a una question que se pauza pas d'un biais pro manifeste, pro fòrt.

Èstre mai fòrts, o al mens mai vesedors, es çò que nos cal. Auretz rason de pensar qu'es mai aïsit d'o dire que de trobar los mejans d'i arribar !!!

Nos caldrà benlèu pensar a una protèsta dins Òut e Garona, coma la que se faguèt darrièrament a Rodés...

Pèire BOISSIÈRA

## Novèlas de l'associacion

### A• Rapòrt moral de las activitats 2012

#### 1) 9a Escòla Occitana d'Ivèrn a Burlats (81) - 20 al 24 de Febrèr

- Participacion un pauc febla : 15 estagiariis en pension completa e 7 a la jornada. 2 estagiariis participèran dins l'encastre de la formacion professionala.
- Bon acuèlh dins la comuna de Burlats : encontre amb lo conse, la comuna a ofèrt l'aperetiü d'inauguracion dins una sala de la comuna, mesa a disposicion a gratis d'una sala d'espectacle.
- Vertadièr partenariat amb lo Centre occitan del país Castrés : animador de dança e conferenciérs a gratis, prepausicions de grops, espandiment de las entresenhas localament, rapòrt amb la comuna, ...
- Evaluacion : globalament positiva. Lo monde i tròban las meteissas qualitats qu'a l'EOE : convivència, qualita dels corses e dels intervenents.
- Prepausicions : EOI trop corteta donc organ, l'acuèlh se farà lo diluns de matin, çò que permet de ganhar de temps sens augmentar trop lo còst.

## E un autre libre sus la toponimia d'Òut e Garònna !!!

Jean-Marie Cassagne et Mariola Korsak : *Lot et Garonne, Origine des noms de lieux, villages, villes (Editions du Bord du Lot)*.

Es tanben un diccionari, paregut quauques jorns après lo que se'n ven de parlar çai-sus.

Diccionari qu'es una engana editoriala, basada sul copiat-pegat : sens i trimar podètz far atal un diccionari per cada departament francés ; los autors ne son al 32<sup>en</sup>. Reproduison çò meteis d'un libre a l'autre... e o fan quitament dins lo meteis libre : trobam p. 147 *Laperche*, e p. 202 *La Perche*, amb exactament lo meteis texte ; çò meteis per *Lapile* (p. 149) e *La Pille* (p. 207). Fa una pagina de mai sens i aver susar !

La presentacion parla ben de las raices occitanas presentas dins Òut e Garònna, mas los autors se referisson generalament a l'ancian francés ; o, quand vòlon mencionar l'occitan, pòdon dire que Folaironas (*Foulayronnes*) es «*en langue d'oc, la fount de los ladrones ou quelque chose d'approchant*» !!

Tot es pas faus dins aquel libre, mas i a talament d'errors grossières que se'n pòt tirar res. Malaürosament, lo que coneis pas un pauc la toponimia risca de pensar que tot çò que i es escrich es de fisança.

Quauques exemples : Los autors nos dison, per *Agmé*, que i a pas de formas ancianas : e pr'aquò suffis de consultar las « nòtas manuscrites del canonge Durengues », sul site dels Archius Departamentals, per ne trobar quatre. Interprètan lo nom coma lo d'un domèni gallo-roman, oblidant que los topònimes d'aquela origina an aicí per finala -ac (ex. : Savinhac), e no pas -é, coma en país francofòne (ex. : Sévigné). *Aigue-vive* seriá «*une francisation maladroite du latin aqua viva...* ». *Castelculier* seriá «*le château près de l'ancien village de Culier*» (interpretacion manlevada a Dauzat) ; mas i a pas lo mendre vilatge nommat *Culier* dins los environs, ni mai d'atestacion que i aja ajut un vilatge d'aquel nom... La lista completa d'aquelas errors seriá plan longa.

*A pas crompar, levat per curiositat, o tentacion masoquista.*

Ramond VESIAT

D'una faïcon generala, tots los libres de toponimia presentan quauquas imperfeccions, que d'autres autors relèvan après la parucion. La matèria de la toponimia càmbia pas, mas si ben lo saber toponimic.

Que'n dire, en conclusion, d'aquel diccionari ?

E ben que sa parucion es una bona avançada...

Lo sol libre de toponimia disponible pel departament d'Òut e Garònà èra dinca ara la « *Toponymie Agenaise* » de Lucien Massip (Revue de l'Agenais, 1926-1927), qu'es claufida d'errors e d'ipotèsis fantasiosas. Ipostèsis represas quauques còps per d'erudits, o mal compresas ; un exemple : per Massip, lo nom de persona Miclanus qu'apareis dins *Puy-miclan* (Pugmiclan), vendriá « *du thème archaïque grec micla, chèvre, jadis utilisé en Aquitaine et encore utilisé en Béarn* ». Trobam pas un tal tèrme dins cap de diccionari, mas se vei encara de monde plan seriós que vos aforsisson que Pugmiclan es « lo puèg de la craba », e vos gaitan de travèrs quand disètz, coma Benedicta Fenié, que lo nom d'aquela comuna garda son mistèri...

Lo diccionari, a malgrat de las remarcas çai-sus, es d'un nivèl acceptable, e aurà son utilitat. Cadun dels contributors principals a portat sa pèira. Las precisions sus las datas probablas d'aparicion dels noms, faitas per B Fenié (es sonque un exemple de la valor de sa contribucion), son plan interessantas e mancan sovent dins de libres de vulgarizacion; la presa en compte critica de las formas oralas, domèni de predileccion de P Boissière, a permetut dins d'unes cas de far la bona causida per l'interpretacion del toponime, e l'establiment de la forma escricha occitana.

## BON DE COMANDA

Nom e Pichon nom .....

Adreça .....

Telefòn.....

Corrièl .....

Comandi ..... exemplars del "Dictionnaire toponymique des communes du Lot-et-Garonne" al prètz de 25 € + 4,50 € de pòrt.

Règlement per chèc à l'òrdre de EOE-IEO 47 de tornar a l'adreça çai-jos. Possibilitat de zo crompar a la botica al 16 rua de Pujols, del diluns al divendres 9h/12h30 & 14h/17h (16h lo divendres).

**EOE-IEO 47 - 16 rua de Pujols - 47300 VILANUÈVA D'ÒUT**

## 2) 38 a Escòla occitana d'estiu del 12 al 18 d'agost a Vilanuèva

- 115 estagiaris en 2012 // 105 estagiaris en 2011 (augmentacion), 3 en formacion professionala. 6 a 7 familhas amb de dròlles. 4 estagiarias seguiguèron la formacion sus la pichona enfançia organizada per Oc-Bi Aquitània en partenariat amb nosautres. Cal joslinhar l'augmentacion de la participacion occitana quand i aviá una baissa de la participacion catalana.

- L'EOE foguèt una capitada dins son debanament.

- Punts positius : ambient, rescontres, escambis, qualitat de la formacion

- Prepausicions : las datas de l'Escola, seriá bon de metre l'EOE a caval sus una dimenjada per permetre a mai de monde de venir. Far lisar l'Escòla a un cap o l'autre del mes e evitar lo 15 d'Agost ; comunicacion, produsir de testimòni escrit o videòs sus sites occitans o testimònies directes en amenatjant d'amassadas dins d'endrets concernits. Botar l'accent sus lo fait que pòdon ésser de vacanças en familia. Cal botar l'accent sul prètz qu'es pas tan car qu'aquò ; tarifas, far una tarifa pels retirats sens trop de revenguts ; far venir mai de primolocutors ; lo talhèr de cant, n'i a que demandan un sòcle commun, un novèl cansonnièr. Aver un document sonore pels estagiaris que podran portar a l'ostal. Pèire : dins d'estagi i monde qu'an de que enregistrar. Perqué pas far un talhièr de video coma se far a la Guèpia ; Escoleta, seriá bon que i aja una activitat cant e dança mai importanta pels pichons. Pèire se pre-pausa per animar un pauc de cant cada jorn.

## 3) Activitats departamentals

### • Prima dels poètas - Printemps des poètes Dissabte 17 de Març

Pas gaire de public. Pas d'articles de premsa, çaqueŀla la comunicacion foguèt faita coma de costuma. Serada un pauc trop longa. Çaqueŀla cal manténer aquela manifestacion poetica.

### • Quinzena occitana del 16 al 31 de Març

Foguèt prepausat per l'EOE : la Prima dels poètas, 8 conferéncias toponimicas (origina e significacion dels noms de comunas), una conferéncia contada "A l'entorn de Jansemin", un encontre dels corses per adultes del Vilanuevés e de l'Agenés.

### • Corses per adultes

Los corses que son menats per la nostra associacion : St Sylvestre, St Pierre de Clairac, Agen e Monflanquin : un vintenat de participants. Aquestes corses son organizats en partenariat amb l'IEO Aquitània. Pel moment lo Consèlh general 47 dona res pels corses per adultes.

Lo Felip manten un rencontre e conversacions a Vilanuèva cada darrèr divendres de cada mes, una còla de 10 personas son acostumadas a venir.

### • Promoción de libres e CD

L'associacion a una botica amb veitina a Vilanuèva ont vend de libres, CD, DVD, dubèrta tota l'annada del diluns al divendres, e prepausa tanben un estand de libres & CD dans de manifestacions a l'entorn (Campestral, Fèsta Occitana Souleilles, ...). Augmentacion de la frequentacion e de las vendas suls estands.

### • Pòl ressorcas occitan departamental

Finalitat : aver una sola associacion dins los departament. Pas possible pel moment perque diferéncia de fonctionament per las demandas de subvencion entre lo Consèlh General e la Region Aquitània. Pel moment, i a pas trop de pression, mas es segurament un subjècte que va tornar. Estend bai. La colaboracion de la quinzèna es un maximum pel moment.

### Lo rapòrt moral foguèt votat a l'unanimitat.

## B• Rapòrt financièr 2012

Bilanç negatiu, perta de 3690 € per l'annada. En 2011 perta de 6676 €. Economia dins las despensas de 1164 € e mai de recèptas de 1652 €, mas pas pro per equilibrar los comptes.

### • Beneficis o pertas segond las accions

- Per l'estagi d'ivèrn (EOI) 50 € de benefici.
- Quinzena occitana 1860 € de beneficis : mas en fait cuèrp una partida del trabalh fait per la Sabina + la publicitat faita al burèu.
- Per l'estagi d'estiu (EOE) 6416 € de benefici.
- Librariá 1886 € de benefici.
- Corses per adultes 734 € de benefici.
- Manifestacion a Tolosa 212 € de pèrta.

Mèfi : dins totas las accions çai-sus lo temps de trabalh de la Sabina es pas comptat.

Perspectivas financieras : al nivèl de las reservas sèm arribat a un punt ont son mai o mens agotadas. Lo problema serà de mantener lo temps dels viraments de subvencions que son decalats rapòrt a las accions. Al nivèl de las despensas avem economisat tant que podem, deuriá aver encara 2000 € d'economit per la locacion del fotocopiaire. Al nivèl de las recèptas, cal aver tant d'estagiaris que l'an passat sinon mai. Per las subvencions cal que manténon las somas. Aital podem esperar equilibrar los comptes en fin d'annada e mantener la nòstra emplegada. Bernat prepausa de tornar far las velhadas al profit de l'Escola.

### Lo rapòrt financièr foguèt votat a l'unanimitat.

blida per B. Fenié en 2006 èra pas acceptable : la collècta de las formas orals occitanas èra pas estada faieta seriosament, i aviá d'errors de grafia, e un refús d'aplicacion de çò que caliá considerar coma la nòrma per l'escritura dels noms composts del tipe Montpesat, que, segon Alibèrt e las darrières preconizacions del Conselh de la Lenga Occitana (CLO), s'escrivon en un sol mot. Lo manuscrit presentava tanben de normalizacions abusivas (coma per exemple Ròcahòrt per una prononciacion atestada [rrékoort], que mena a escriure Recahòrt, o al contrari de grafias mai foneticas que fonologicas (Castèlnèu, Vilanèva..., que se devon escriure Castèlnuèu, Vilanuèva).

Per la question de las formas orals, senhali que sèm fòrça a nos èstre enganats en pensant que, per tal o tal toponime, i aviá una una forma indubitable, e qu'era pas necessari de pausar la question a mai d'un locutor. Es atal qu'avèm pensat plan temps que *Bon Encontre* èra en occitan Bonencontre, abans de descobrir totes los locutors disián Nòstra Dama, e que *La Sauvetat-de-Savèras* èra Sauvetat, sens l'article (las autres sauvetats del Departament an l'article).

I agèt pas d'avancada pendent quatre ans. En 2010, lo Conselh General nos brandiguèt las piuses : menaça de pèdre las subvencions. Los autors se tornèron atalar al trabalh, quitament se i aviá enquèra de divergéncias. La parucion èra prevista pel mes de març de 2012, mas de dificultats novèlas la retarderon d'un an (çò que permetèt de melhorar encara lo manuscrit).

Una bona part de las proposicions vengudas de l'EOE (trabalh de P. Boissiera, validacion per P. Gentié) son estadas retengudas dins lo diccionari. Mas per d'unas, l'autor principal a integrat la modificacion sens cambiar la redaccion anteriora, çò que mena a de contradiccions (ex : *Ferrensac*).

Quauquas exemples de las qu'o son pas estadas (lista pas limitativa) : per 26 noms composts (coma Montpesat), las doas possibilitats son marcadas (Montpesat, Mont Pesat)... mas se ditz pas qual farà la causida. Autre refús de la nòrma grafica : lo de notar, en gascon, puch alluòc de pug (Bèthpuch, Puch d'Agenés) – nòrma enonciada per *Roumieu* e *Bianchi*, Gramatica de l'occitan gascon contemporanèu, p. 95. Cal dire aici que quauquas causidas de P. Boissiera seràn tanben a criticar, e benlèu a rectificar... E tanben que, pel cas de las comunas dont lo nom es lo de doas localitats (per exemple *Monsempron-Libos*), degun de pausèt la question d'aplicar la recommandacion del Conselh de la Lenga Occitana (qu'existís pus), qu'es d'escriure Montsempronh e Libòs, recommandacion que sera problable (?) la nòrma edictada pel Congrès permanent de la lenga (esperam sa decision).

## Dictionnaire Toponymique des Communes de Lot-et-Garonne

Autor principal : *Bénédicte Fenié*.

Amb la collaboracion d'*André Bianchi, Pèire Boissière, Patrice Gentié, Maurice Roumieu*.

Coedicion : Éditions Cairn (Pau), Institut Occitan, Escòla Occitana d'Estiu.

320 paginas.


L'essencial del trabalh toponimic es estat acomplít, dins la realitat, per B. Fenié e P. Boissière.

Per cada comuna, avèm lo nom oficial francés (e, s'es diferent, lo nom usual), las grafias ancianas relevadas, las interpretacions faitas per d'autors reconeguts (*Dauzat et Rostaing, Nègre, Astor*), e una « discussion » : critica de las conclusions d'aquellos autors, conclusions propias dels coautors de l'obratge. S'acaba amb la forma escrita occitana edictada, seguida de la prononciacion en occitan local. Aquela prononciacion, element important per l'estudi del toponime, coma las formas istoricas, seriá mai a plaça al començament de l'article que non pas a la fin.

A notar sièis paginas de presentacion de la lenga occitana dins lo departament, amb de mapas. Paginas signadas Pèire Boissière, qu'aviá pr'aquò demandat que foguèssen atribuidas a l'EOE-IEO 47. Aquelas paginas fan apareisser un fait que se'n parla gaire : l'existença del « País Maròt », airal de parlar dialectal francés, que s'espandís mai que mai en Gironda, mas que concernís quatre comunas dels cantons de Duràs e de Sèishas.

L'autor principal a causit d'emplegar generalament lo lexic especializat de la linguistica e de la toponimia ; una partida d'aquel lexic es definida e explicada a la pagina 37, mas lo qu'es a legir un article a pas d'indicacion que lo remande a aquellas explicacions. E d'unes tèrmes son pas definits : i aurà forçadament de personas interessadas e normalament intelligentas que prendràn pas lo temps de comprene pas çò que vòl dire, dins l'article *Cahuzac*, per exemple : « *l'affaiblissement de la prétonique et la désarticulation de la voyelle finale* ».

Espelit al mes de març de 2013, aquel diccionari arriba après una longa gestation, que comencèt en 2002. Una primiera version esta-



## C• Projèctes 2013

### 1) Dictada occitana a Vilanuèva d'Òut

Foguèt decidit a un CA departamental de tornar far la Dictada mas en limitar las despensas : se farà lo dissabte 26 de Genièr a l'estatge del burèu (pas de locacion) e limitar las crompas dels prémis.

### 2) 10a Escòla Occitana d'Ivèrn a Burlats (81) del 4 al 8 de Març 2013

Novetats per organ :

- l'estagi començarà lo diluns matin : 11h acuèlh, 13h repais, 14h30 installacion, 15h presentacion de l'estagi, 16h mesa en rota dels cors, 18h inauguracion, 21h Pichon bal .

- exposicion “Plantas e flors de pels camins” del Cercle de l'Albigés : fotos e aquarelas del Cristian Laux. OT del Sidobre acueillirà aquela expo pendent 1 mes en Març. Tarifa de l'expo en negociacion amb lo cercle de l'Albigés coma partenari de l'estagi.

- 2 sortidas : visita del Musèu del Protestantisme a Ferrières (dijous) e visita de l'expo a l'OT del Sidobre seguida d'una passejada dins lo Sidobre amb Pèire Thouy (dimèrcres)

Pedagogia : Bernat Vernhièras pel Cors Lengadocien nivèl 2, Mirèlha Cerezo pel cors Lengadocien nivèl 1, ? Cors tot nivèl Gascon (esperam una resposta), Mirèlha Cerezo pel talhièr cant, Marie-Claude Benazech (IEO Castras) pel talhièr de dansa, conferéncia sul protestantisme dins lo Sud del Tarn per Mirèlha Cerezo (dimars). Animacion musicala pel Manu Isopet. Factotum e responsable Partenaris : IEO seccion Castres, IEO seccion Albigesa e OT Sidobre

### 3) Quinzena occitana en Òut-e-Garònna del 15 al 30 de Març

L'associacion prepausarà :

- 10 conferéncias suls noms de luòcs abitats de qualques comunas
- una conferéncia sus un poèta local amb una projeccio del film “Eths segaires”
- una passejada sus la Via verda amb comentaris suls noms de luòcs, proverbis, cançons, ...

### 4) 39a Escòla occitana d'estiu a Vilanuèva

- datas : del 18 al 24 d'Agost (aprèp mantunas discussions).

Seradas : Lo diluns : Serada contes

Lo dimarç : serada musicala amb Fai Deli o empont dubèrt.

Lo dimecres : La Patacada

Lo dijous : serada dels estagiaris

Lo divendres : Petit Bal en Companhia amb Guilhèm Lopèz

Se tornarà far una formacion pel monde que travalhan amb la pichona enfançia organizada per Oc-Bi Aquitània.

- Entresenhas suls chècs-vacanças e tiquet-repaïs
- Veire per las tarifas la question de las familhas mono parentals.
- Far una pre amassada pedagogica pro d'ora per veire las causas novèlas a integrar dins lo papafard. Se fariá lèu aprèp l'EOI.

Bernat presenta las questions que caldríá tractar. I a de demandas que tornan cada an : tornar veire los nivèls, far venir qualqu'un de l'IEO per parlar de l'emplèc o del label Òc, cors civilizacion de tornar far, talhièrs cosina, conferéncias sus l'actualitat, ...

## 5) Corses per adultes

Pus de cors a Sent-Silvèstre perque pus de professor. Agen, St Pèir e Monflanquin son mantenguts.

## 6) Edicions

- *Edicion Ferdinand Còstas (poèta local)* : demanda lo 31 de març 2013, parucion al mes de setembre seguent.
- *Los contes (collectatges 47)* : demanda lo 31 d'octobre 2013, parucion per la Quinzena 2013 (abans lo 31 de març)
- *Agenés Occitan (Antologia occitana 47)* : demanda lo 31 de març 2014, parucion per l'Escòla 2014.

## D• Renovèlament estatutari del CA e del Burèu

- Tièra del Conselh d'Administracion 2012 : *Bernat Bergé, Joan-Jacme Bézelgues, Pèire Boissière, Olivier Caponi, Maëla Cloarec, Felip Depaire, Maria-Odila Dumeaux, Terèsa Duverger, Marcèu Esquieu, Frederic Figeac, Bernadeta Fournié, Rogièr Gaston, Patrici Gentié, Joan-Felip Joulia, Max Lafargue, Joan-Pèir Miner, Renat Resset, Vincent Rivière, Lucia Roulet, Maud Séguier e Martina Tardif*.

- Tièra del tèrc renovable en 2013 : *Martina Tardif, Maud Séguier, Pèire Boissière, Lucia Roulet, Felip Depaire, Renat Resset, Rogièr Gaston, e remplaçament de Bernadeta Fournié*.

Los administrators que foguèron renovables en 2013 se torneron presentar e foguèron elegits a l'unanimitat mens una abstencion. *Bernadeta Fournié* foguèt remplaçada per *Martina Ralu*. Autres remplaçaments *Marcèu Esquieu* per *Andrieu Bianchi* e *Jan-Pèir Miner* per *Sèrgi Lavail*.

- Lo Burèu elegit pel Conselh d'Administracion en 2013 : *Pèire Boissière President ; Bernat Bergé, Olivier Caponi e Vincent Rivière Vici-Presidents ; Lucia Roulet novèla Vici-Presidenta ; Patrici Gentié Clavaire ; Frederic Fijac Clavaire-adjunt ; Terèsa Duverger Secretariá ; e Marcèu Esquieu President d'onor*.

## L'occitan blos

## Genièr

Ancian Collègi de Montalban, diluns 30 de genièr de 2012 : Alina S. me ditz qu'ai Vaissac (canton de Negrapelissa, al nòrd-èst de Montalban) totes los que sàbon l'occitan local dison «*Lo mes de [tsinhè]*».

Es evident qu'aquela fòrma *[tsinhè]* es pas autra causa qu'una varianta de l'occitan estandard *lo mes de genièr* :

1) A Vaissac, se ditz *[lu kambatsú]*, per *lo cambajon* (francés «*le jambon*») ; per consequent, un *[ts]* inicial es normal ;

2) Avèm, en lenga nòstra, plan d'autres mots ont /e/ etimologic passa a /i/ quand aquel fonèma es al contacte d'una simpla nasala o, encara mai sovent, d'un fonèma palatal (escrich en occitan *lh* o *nh*) :

<i>L'abelha</i> : <i>l'abilha</i> ;	<i>L'argent</i> : <i>l'argint</i> ;
<i>La botelha</i> : <i>la botilha</i> ;	<i>Marselha</i> : <i>Marsilha</i> ;

3) Enfin, que la finala *-nièr* se palatalize en *[nhè]* a pas tampauc res d'estonant.

Cò que s'escriu *lo panièr* se pronóncia sovent *[lu panhè]*.

Dins l'immensa majoritat dels parlars occitans actuals, es lo francisme *janvièr* prononciat *[tsambjè]* a Albi, qu'an remplaçat lo mot nacional *genièr*. Mas, la mapa 711 de l'*Atlas linguistique de la France*, de Jules Gilléron, revèla qu'a tres endreches, lo mot de l'occitan local es una varianta de *genièr* :

1) A Selhac (en Corrèsa, a 15 quilomètres al nòrd de Tula) se ditz *lo mes de [dzenhè]*, cò que se pòt escriure *genhèr*;

2) A Montpesat de Carcin (dins lo Tarn e Garona, al nòrd e Montalban) se ditz *[tsine]*, cò que se pòt escriure *ginèr*;

3) A Vaissac, se ditz *[tsinhè]*, que se pòt escriure *ginhèr*.

En passant del registre de la lenga parlada al registre de la lenga literària, escriurem *genièr* e prononciarem *[djenyè]*. Las fòrmas retengudas per aquela fòrma d'occitan que s'apèla de mai en mai *l'occitan estandard* son justificadas per l'istòria de la lenga nòstra e, qualche còp, per lor atestacion dins d'airals plan pichons de l'occitan parlat al sègle XXI.

Loís Alibèrt aviá rason de preconizar la fòrma *genièr* dins la siá famosa *Gamatica occitana* de 1935.

Nòstra lenga occitana es pas una parrabastada de patesos locals, interessants sonque dins la mesura que son diferents los unes dels autres. Es despuēi mila ans una lenga de cultura que cadun la parla coma pòt : es aital que se passa dins tota lenga de cultura.

- Òc, soi arribat arser e, aqueste matin, en vesent la sortida del solelh e lo grand bèl temps ai pas pogut m'empachar d'anar far una virada a la palombièra. Adòri aquel endreit. Lo calme, las sentors del bòsc, aquò es vertadièrament magic. Sustot que, amagat a montnaut dins aquela meravilhosa cabana, òm pòt escotar e veire los aucèls, los esquirols...òm pòt meditar...somiar...

- As plan rason ..aquò te cambia de la granda vila..

- Quand vos ai vist vos avançar cadun de vòstre costat cap a la palombièra, me soi ben gardat de vos desturbar perque aviatz l'aire plan ocupat dins vòstra recerca de botarèls. Endevinavi vòstra emocion cada còp que vos tornaviatz levar en contemplant l'especimen qu'aviatz destraucat. Èra tot plen un grand espectacle que de cap de biais voliá arrestar. Mas soi estat un pauc decebut de vos entendre dire que tornaviatz a l'ostal. Urosament qu'avètz totes dos cambiats d'idea...

- E òc.. es vertat que fai bon far dins lo bòsc aqueste matin...

- Me cal vos mostrar quicòm avant que tornetz partir. Figuratz vos qu'en davalant de mon ajocador, ai apercebut io tanben , sens los cerclar, de botarèls. Eran tant polits que los ai amassats mès sabi pas se son comestibles. I conneissi pas grand causa. Los ai pausats darrièr aquel casse...venètz los veire.

E vegueron.... ! Lo Marcel e l'Albert avián de mal a demorar calmes. Macarèl de macarèl ! Al mens cinc quilòs de **capnegres** èran alinhats devant elses ! E l'autre que lor i demandava se èran comestibles ! Als innocents las mans plenas... èra lo cas de zo dire ! Enfin l'Albert consentiguèt a respondre a la question, malgrat tot ço qu'aviá en travèrs de la garganta.

Òc pòdes los minjar .. as pas gaire besonh d'anar quèrrer d'autres legumas per vrespalhar..


Sabètz, io soi pas un cercaire plan experimentat.. alara los ai benlèu pas totis amassats. Diuriatz i gaitar de mai prèp, vosautres...

Mès que èra quitament pas trufandièr, lo bogre ! Lor i prepausava lo mai seriosament del monde d'amassar las bricas. Se èra pas estat lo nebot del Pierron...

L'Albert e lo Marcel s'en tornèron a l'ostal... aqueste còp de bon verai, l'aire de portar sus las espatlás tot lo malur del monde. Lor pañier èra pas plan pesuc, plan mens que lo còp al moral que veniá de lor èstre patacat. Èra ja dur d'imaginar que lo Pierron anava se regalar en familia ambe los capnegres mas èra enquèrra mai dolentós de los imaginar totis a s'escacalassar en escotant aquel grand diable de nebot contar e tornar contar pel menut tota sa matinada...



Estève HUC



## Lo mot del vièlh...

... « Rodrigo, de còr, n'as ? »

- Òc, pro de còr, per tornar jogar « la Patacada », après trenta ans !

Un eveniment de tria. Cal dire las causas coma son !

Creeràm ma pèça al teatre Jòrdi Léigas de Vilanèva, lo 8 d'avril de 1982. Foguèt una formidabla escasuda. Se'n parla totjorn... A pròba : la represa ongan, en 2013, dins l'encastre de l'EOE !

La tropa es compausada de 22 actors... (amb quitament 15 de l'ancianna equipa. Fòra los comedians de l'equipa vièlha que son mòrts, ailàs !...) sèm 22 actors qu'an repres las repeticions... E que ja, repèton amb estrambòrd !...

Marcèu ESQUIEU

## Aristidas Salèras (1875 - 1949)

Foguèt l'amic sancèr de Pau Froment. Autor de poèma occitans plens de sava e d'umor, agricultor e molinièr, visquèt a Laròca Timbaut.

Pendent la Quinzena occitana, Pèire Boissiera, Teresa Duverger, Marcèu Esquieu, e los responsables de l'Associacion Patrimòni de Laròca-Timbaut, presenteron un polit florilègi de son òbra poetica occitana.



Extrach de *Mon Carton de Mestura / Moun Cartou de Mesturo*

### Lo cantonèr

Un mestier recercat. Es presqu'un fonctionari.  
Seriá presqu'un mossur se metiá lo faus-còl  
Es quaucun dins l'endreit, e quand es per un sòl,  
Pren un aire important; n'es pas òme ordenari.

Dison qu'a lo braç long de cap a Sent-Alari,  
A un cosin cosinièr del Prefèct de Sent-Pòl...  
D'althurs sabèm que n'es pas cantonèr qui vol.  
Dison tanben qu'a fèit un pauc de seminari.

Ara, nòu mes per an, lo vaquí cantonèr.  
Se fai trop fred, se plèu, se met darrèr'n palhèr,  
Mas pas luènh del camin, quita pas son aissada.

Sembla qu'es al travalh, d'althurs quand fa bèl temps,  
N'arriba pas en retard, E cada jorn atend  
La fin de cada mes per tocar sa mesada.

20.6.1942 - Aristida SALÈRES  
Grafia normalizada : Marcèu ESQUIEU



**Lo Rasaire**



Pomponat, perfumat, lo vaquí lo rasaire.  
Sec coma un còp de pal, magre coma un baston,  
Atal parlan de del : es plan vrai, gueitatz-lo,  
Far petar sos cisèus en los brandir dins l'aire.

Sa botica n'es pas plan granda; n'i clau gaire  
Que quatre o cinc clients, tanben, quand fai calor,  
Se seton sus un banc defòra ; i a un gaton  
Que s'amusa damb els e que sap lor i plaire.

Languisson quauques còps, parlan en atendent.  
Del Jan, de la Margòt, del Prefècte, e del temps.  
Un crompariá de bòis, l'autre vendrà de lana...

Aquel a fèit plan vin, i a d'èrba dins los clòts.  
«A tu Marcèl ! a tu !» Lo rasaire s'afana.  
Vòl ganhar quaranta sòus per se crompar d'esclòps.

8.10.1941 - Aristida SALÈRES  
Grafia normalizada : Marcèu ESQUIEU

d'abord una ulhada a l'entorn per èstre sigur de que digun l'espiguèsse.  
Qualques fuèlhas mòrtas pausadas simplament sul tròc blanc demorat en  
tèrra... e ni vist ni coneugut.

S'immobilizèt bruscament perque un leugièr, plan leugièr cracinament  
de branças semblèt venir de l'autre costat del toral. Puèi lo silenci absolut.  
L'Albert tornèt prener sa progression mès s'arrestèt al cap de cinc minutas.  
Son aurelha entrainada l'aviá pas enganat : i aviá ben quauqu'un que  
marchava darrièr lo montet. Era clar qu'era pas un bramaire de la vila, un  
d'aquels nècis que corron e que brigalhan tot aquí ont passan . Non, èra  
un cercaire vertadièr que reteniá sos pès e son buf, coma del. « Bon diu...  
aquo poiriá ben èstre lo Marcel ! » L'Albert cobrèt sa culhida ambe de  
falguièra e tornèt partir mens calmament. Perque la melhora plaça resta-  
va a far.. Èra naturalament los entorns de la palombière qu'era pas qu'a  
una cinquantena de mètres, se vesíá qu'ela, aquí ont se juntavan justament  
los dos penjals. Una plaça que caliá a tot pèdre evitar de partejar !

Sa decision foguèt lèu presa. Bescairèt cap al naut del toral e s'arrestèt  
d'un còp, de cara al Marcel immobil al pè d'un castanhier.

- Tè...adiu...Albert...alavetz...aquò abonda ?
- Adiu, Marcel, aquò's pas formidable anuèi... es trop lèu !
- Òc, zo pensi tanben...cal esperar quelques jorns....
- Èri vengut far una pichona virada... juste per veire... vau tranquilla-  
ment dintrar a l'ostal...
- Io tanben... anem adiu... al còp que vèn !

Conversacion mai susrealista qu'aquela... i a pas ! Mai blufaires que de  
cercaires de botarèls... i a pas tanpauc ! L'Albert s'en tornèt de l'autre  
costat, s'alunhant insensiblement de la combeta... mès tant lèu fòra de la  
vista del Marcel entreprenèt una corba sabenta que lo menèt en un pi-  
chon quart d'ora al pè de la palombière. I arribèt quasiment a l'encòp  
ambe lo Marcel que aviá plan naturalament fait la mèma causa de son  
costat.

En mai cap dels dos n'aguèt l'aire estonat de la preséncia de l'autre :  
aquò fasiá partida del jòc. Mès la suspresa èra endacòm mai... Al mitan de  
la plaça, immobile e risolièr coma l'encantat de la grépia, se quilhava lo  
grand Bernard. Lo reconneisèron còp sec : èra lo nebò del Pierron, lo  
proprietari de la palombière. En cauças cortas e camiseta que podiá ben  
far aquí aquel grand penja-lum, a quitament pas uèit oras del matin ? Im-  
mobil sus sas longas cambas ...semblava un bernat-pescaire espiant lo  
passatge d'un gròs pèis ...

*Bonjorn mossurs, bèla jornada per las passejadas en forest, pas  
vertat ?*

*Adiu Bernard... alara, sès vengut passar la dimenjada a l'ostal del  
tonton ?*

d'ormes e de fraisses e, se las condicions meteò èran favorables, l'Albert seguissiá totas las sègas de la comba per pas mancar la sortida de las primières **morilhas**, las jaunas e las grises. Caliá èstre ponctual al rendètz-vos per poder las cultivar totas frescas... e sustot per pas se far passar devant per lo Marcel, un vesin de l'autra comba sortit del nòrd de la França mès que aviá la metèissa passion que del. Puèi venián los mossairons que fasián lor « ronda de bruèissa » dins los prats, en cercles blancs facils a localisar al mièg de l'èrba verda.

Mès tot aquò èra pas, en una certa manera, que l'entremés, la mesa en cambas, avant l'arribada dels botarèls de nauta volada, aristocrates d'aquela flora tant particulara sens fuèlhas ni flors que, en una nuèit, èra magic, sortián prestes a èstre consomats. Èra sovent tre lo mes de junh que los primiers ceps fasián lor aparicion, aprèp las girolas e los pradelets. Mès naturalament, fòra de secada malvenguda, lo grand moment arribava en general al mes de setembre. Aprèp una forta pluèja o un gròs auratge, l'Albert comptava los jorns que lor nombre variava segon la temperatura, l'emplaçament del bosc, los vents, la luna, la natura dels arbres e plan d'autres paramètres que gardava secrets. De tot biais i anava pro avant lo jorn dich per verificar se la tèrra « florissiá » coma cal, se lo tant per cent d'umiditat conveniá... e se digun, passejaire inconscient o imperit, veniá pas compromètре la recòlta futura ambe d'anadas e vengudas destemporadas sus sas plaças reservadas.

E aprèp mai d'una setmana d'espèra, un matin a punta d'alba, l'Albert se decidava, preniá son panièr, son cotèl e son baston e la recerca vertadièra començava. En secors, òm sap pas jamai, rotjava dins lo fons de sa museta dos o tres sacòts que poirián servir d'ajuda en cas de culhidia miraculosa. Èra partit per una longa passa que s'acabariá a la fin octòbre ambe los « pès de motons » e los rovilhos. De per abans auriá gostat plan de russulas, de lepiòtas de San Miquèl, sens oblidar los irangets, « la flor dels botarèls » d'après los especialistes.

Donc dins l'alba d'aquel dimenge brumatís de setembre, l'Albert marchava ja dins la pichona comba del bosc de las brugas, expausada al solelh levant, aquí ont normalament sortián en primièr. Aviá decidat de la sègre dincas a la palombièra puèi de tornar en fasent l'autre costat del toral. Tant lèu la primièra mièja-ora sabiá que èra al bon endret al bon moment. Los ceps o autres bolets èran ben al rendètz-vos, fermes e desenvolopats, e mai tanben de joyas e frèscas tremolhas rotjas. Avançava lentament, los uèlhs riblats al sol, sens faire lo mendra bruch, coma se deu. Èra un biais de respectar lo luòc, un pauc coma dins una glèisa e sustot èra per preservar una preséncia secreta. Cada còp que metiá un genolh a tèrra per copar delicatament lo pè d'un capnegre, donava



## La Font del Biule

Mas, paures, que benlèu coneissètz pas la Font del Biule... Es de mon pecat qu'auríai degut vos convidar mai arderosament.

Solide que la font raja pas pus dempuèi un briu, e que lo biule es escanat que ne vesèm pas la quita soca. E mai l'accès qu'es pas dels bons.

Vos cal mesfisar dels jorns plovinoses que vos daissarián la veitura empegada dins la tèrra grassa blanquinosa de la darrièira davalada. Alavetz, s'ètz de veta, se lo solelh se vòl amorós e qu'avètz de temps de ganhar, vos convidi a la Font del Biule.

Per venir, es pas trop complicat. Sabètz ben lo trauc del cuol del monde ! La Font del Biule es just darrièr. Aprèp un quilomètre e mièg d'una carral marrida claufida d'arrodals, tocaretz *lo meu ostal*. « Ostal » es un pauc ufanós. Solide que las parets de l'ostal vièlh son valentas. Mas i a pas que las parets, l'aiguier e un tròç de chiminèia. A posita, pr'amor que sèi pas un salvatge, i a la melariá dab l'aiga del castèl d'aiga e l'electricitat de Gòlfch. Se fa freg, aicí minjarem que i a tanben lo calfatge (aquòs per tirar la mèl del bornat). A posita tanben la caravana dels parents, vièlha, poirida, macada mes amb la vaissèla de plastic de la paura maire tant canda, tant linda que te sembla nòva. Lo casse grand qu'es dessús ne'n finís pas de l'engolir. Pasmens, *lo que ten la lenga, ten la clau*. Mèfi, çaqueïà, al nauçapè, que dejós lo postam es pojrit. Vaquí lo teu ostal.

Avèm fait lo torn de la bastida. Adara a man drèita, lo sòl planièr, del rotlèu pas canelat, t'adutz cap al bornat. A man esquèrra, lo bosc vièlh e sos botarèls. Capvath un còp passat lo bordigas, ma plantacion de casses e d'euses trufiers, *que la fe sens obra mòrta es*. Amondat, la palombièra. Sèi pas caçaire per un sòu, mas se podiá pas refusar a un vesin l'agach d'un vòl que ven de bisa e que trescola a miègjorn. Emai me derenga pas de pausar un sedon per ajudar una lèbre que se vòl pausar. Aici se pòt pas morir, aici se pòt arrestar.

O ! Me cal pas vos dire messorgas ! La Font del Biule, i demòri qui-tament pas que lo tèrc de ma vida.

Coma tot lo brave monde, ai un ostal vertadièr. Çaqueïà quand serai vièlh, o quand serai mòrt, me sabi un recanton que me vòl, e que lo vòli tanben e

*Seguirai lo fial de ma lenga*

*Per tornar tocar la tèrra.*

Anavi doblidar : i a pas cap de panèus per arribar. La sola indica dins lo parçan es Pech del Rei, mas nosaus, sèm de l'autre costat (que seriam mai per penjar lo darrièr rei dab las tripas del darrièr curat). E per vos

entreseñhar, cal pas comptar sus las cèrvias tròp ufanosas e mai un pauc rebeludas als estrangièrs.

Totum, i a un biais, una rega d'engulhar... Aicí los arbres parlan pas qu'en lenga d'òc. E s'ausissètz d'unas rimas de Bernat de Ventadorn, de sovenirs de Jansemín, d'unas cridas de Bodon, de revòltas d'Ives Roqueta, de nhòrlas de Padena, e subretot de repotegariás del Marcèu, sètz dins la bona dralha.

Mas, o vos ai ja dit, çò mai complicat es pas de venir, es de se'n tornar.

Felip DEPAIRE

## LO CONTE MESSORGUIÈR DE DIETHMARSCH

Adaptacion del conte de Grimm en occitan lengadocian  
Burlats, E.O.I. de 2013

Vos vau contar quicòm. Ai vist volar doas galinas rostidas, volavan aviat, avián lo ventre virat cap al Cèl, l'esquina cap a l'Infèrn ; e un enclutge amb una mòla traversava Agot en nadant, dapasset e sens bruch ; e una granhòta èra aquí que, per Pentacosta, se manjava una relha d'araire a talh de la glaça. Aquí èran tres gojats que volián agantar una lèbre ; anavan a pautas amb cròcas e escaças ; un èra sordanha, l'autre òrb, lo tresen mut e lo quatren podiá bolegar quitament pas un artelh. Volètz saupre cossí arribèt ?

L'òrb primièr vegèt la lèbre córrer pels camps ; lo mut o cridèt al paralitic e lo paralitic l'agafèt al sedon ; volián navegar sus tèrra, quilhèron la vela al vent, e voguèron sus de bèlas lauradas ; aquí passèron una nauta montanha ont se neguèron pietadosament. Una escarabissa caçava una lèbre, e en cima de la teulada i aviá una vaca que s'i èra arrapada. Dins lo país, las moscas son tan bèlas coma las crabas en çò nostre.

— Ou, fanton, durbís la fenèstra, que las messòrgas s'envölen !

### Lexic :

- |                                   |                                      |
|-----------------------------------|--------------------------------------|
| - galina : pola                   | - lauradas : aradas, mossadas        |
| - aviat : lèu-lèu                 | - pietadosament : miserablament      |
| - dapasset : lentament            | - s'arrapar sus : pujar sus, escalar |
| - gojat : dròlle, jove, jovent    | - bèl : gròs                         |
| - agantar : agafar, arrapar       | - craba/cabra                        |
| - anar a pautas/a patas : caminar | - durbir/dubrir                      |
| - saupre : saber                  |                                      |
| - sedon : laç, laçon              |                                      |

anar d'orsàs, la siá cara rogeta, la siá mostacha negrilhosa, las siás mans bèlas coma de batedors, l'òme èra lo ... l'Emili que veniá de ne far lo retach, l'Emili que veniá de ne cridar lo nom, l'Emili coma l'aviá somiat, l'Emili bombat de la nuèit, bombat del conte, l'Emili que se quita va la vèsta e que m'agachava, regde sus la cadièra, atentiu !

Lo nòstres agaches se crosèron e subran me vesèri contar. Èri sietat a la darrièra renga, la vesta pausada suls genolhs. Lo contaire, lo miu revertèt, lo miu doble, quilhat sul pontin m'agachava en contant l'istòria de l'Emili que ne veniá de far un tròc de retrach. Mas l'istòria d'aquel Emili qu'ausissiá èra pas l'istòria que voliá contar. Non, aquel Emili que l'autre ne parlava, èra un contaire, un contaire pietadós, a l'inspiracion polsiva, que quand pilhava pas sens vergonha los mai grands escarnissiá los desiriers dels umils, l'ordinari de la vida, que respectava pas ni l'amor de la maire, ni lo trabalh onèste, ni la dreitura, que mai d'un còp èra fiulat, que multiplicava las representacions a gràtis, los contactes per mendicar una prestacion, que publicava a compte d'autor libres que digús legissiá pas. L'Emili del conte qu'ausissiá èra un trace de personatge que l'autre ne resumiá la vida, las cagadas, los revèrs, las vexacions. S'èra pas estat aquel orguelh, aquela set de glòria, de celebritat, aquela megalomania, lo ... l'Emili de tant de mediocritat ne seríá estat esmovent.

Lo conte s'acabava mal : lo personatge cabuçava dins la folia e èra embarrat dins un espital psiquiatric que i remenava tot lo sanclame del jorn tròces de contes incoerents qu'èra lo sol a comprene.

A la fin, quand lo public piquèt de las mans, barrèri los uèlhs.

Quand los tornèri dubrir, èri sul pontin, lo front en susor, la camisa banhada ; a la darrièra renga la cadièra de l'Emili èra vuida.

- *Digatz, demandèri a la fin de l'espectacle, en beguent lo vin blanc, a un vesin de l'Emili, coneissètz aquel òme qu'arribèt en retard, que se sietèt còsta de vos e que demorèt pas que lo temps d'un conte ?*

- *Qui ? me respondèt l'òme, mas digús es pas vengut se sietar còsta de jo !*

Me prometèri de pas jamai tornar contar l'istòria del ... de l'Emili.

Bernat BERGÉ

## Los botarèls

L'Albert aviá totjorn aimat los botarèls. Los aimava dins sa sièta de seguir mès sustot aimava los cercar dins los bòscs e los prats. Un bonaürt vertadièr per el que de los descobrir jos la mossa o al cròs d'un toral, demèst de la folhoraca, lusissents dins la rosada del matin .

Tant lèu lo mes de mars, agachava lo desenvolupament dels botons

## Camp / Contra-camp

Vos contarai pas lo conte de l'Emili. De tot biais es pas lo conte de l'Emili que me caldriá dire, mas jà prononciar lo nom vertadièr de l'Emili, gausi pas, e encara mens contar la siá istòria.

Pr'aquò es una istòria tota simplòta, suaua, fresca, una istòria qu'un nenet poiriá escotar abans de trobar lo sòm, una istòria meravellosa, poetica, que vos daissariá boca badanta, los senses apasits, l'uèlh escarabilhat e lo còr pantaissós ...

Lo conte de l'Emili es ni un necitge pietadós, ni una calholada de fin de repaissòla, ni una fadejada d'aiga senhada, ni un trobar talament clus que deguns i dintra pas, ni una cacha-vielha de la tresena dimension o d'espandis parallèls ...

Non, lo conte de l'Emili es un conte que vos reconcilia amb la vida, amb los autres e que vos torna lo sorire.

Lo conte de l'Emili es un conte que gausi pas contar, que pòdi pas contar.

L'Emili es pas un personatge extraordinari, ondrat de vertuts singularas, es pas un eroi de la raça dels miègs dieusses. L'Emili es ni un masc, ni un gèni, ni un drac, ni un mostre, ni un demòni, ni un arcàngel.

Non, l'Emili es un èsser de carn e d'òsses, ni nèci, ni subrepotent, l'Emili es un òme que podètz crosar dins la carrièra, que pòt èstre lo vòstre vesin al teatre o al cinemà.

L'Emili es un personatge que gausi pas ne far lo retrach, nimai l'apelar del siu nom vertadièr.

Lo sol còp qu'ensajèri de dire lo conte de l'Emili, foguèt a una velhada dins un vilatjòt de la banlèga de Tolosa. Un quarantenat de personas s'eran acampadas dins la sala de las fèstas. Al fond, sus una taula esperavan còcas e vin blanc. Lo conse, sietat a la primièra renga, aviá fait un tròc de discors de benvenguda ; lo president del fogal rural, còsta d'el m'aviá presentat ; lo regent aviá fait cantar un nadalet als escolans del vilatge, que s'eran pausats a plata-cuòl davant las primièras cadièras.

Aviam començat amb prèp d'una mièja-orada de retard. Mas autantm'estimavi mai d'esperar pro que non pas d'èstre desrengat al mièg d'un conte per qualqu'un qu'arriba en retard, que fa petar la pòrta e que se siéta en bolegant las cadièras.

Aviái jà dich dos contets quand entemenèri lo conte del ... de l'Emili. Lo conte de l'Emili comença pel siu retrach. Coma acabavi la primièra frasa e que veniái de cridar lo nom -vertadièr- del personatge, la pòrta se dobriguèt, un òme dintrèt e sense cap de bruch se'n anguèt sietar al mièg de la darrièra renga. Se quitèt la vèsta e m'agachèt. Ne foguèri tot borrolat e ne manquèri pèdre lo fial : l'òme que veniá de dintrar, lo siu

## *Los mòts qui cau...*

### Lo « jogging »... e lo « trail »



Com lo primtemps es tornat, qu'es lo moment d'anar pitnar dens la natura. Abituaument que son los vetèths qui pitnan capvath los prats. Los òmis e las hemnas que s'acontentan de marchar suus camins, o de caminar, tot simplament, d'un pastranquillòt, de long deus sendèrs e deus viòts. A bèths còps, que i a quauque rapalhon bilhèu, e quan la còsta e puja trop, que'vs cau arrestar tà tornar préner alen, sustot se ne vs'ètz pas entrainats de l'ivèrn. Caminar, qu'es un exercici fisic de passejaires deu dimenze. S'ac hètz cada matin, que vòu díser qu'atz gahat la man de caminar de pè, e que vs'ètz plan acostumats d'entertiéner la vòsta fòrma fisica !

En francés, tà parlar d'aqueuth apracticament jornalèr, qu'an causit d'emplegar un mòt d'origina anglesa : lo « jogging ». Mes com arrevirar aqueuth mòt en occitan de Gasconha ? Anar au petit tròt, shens amanejà's, en tot préner lo temps d'alener com cau, en lhevar lo nas de cap aus ausèths e au céu blu, en tot los baishar en esmiraglant las vriuletas e los uelhs de crapaut qui començan d'eslorir, en vs'arrestant de temps en quan tà lhevar la cama contra un arbe, o tà vs'aclepar darrèr un plaish, qu'es un espòrt que los cans e saben apracticar per auguri o per instinct. Que'vs perpausi donc, se quauqu'un e'vs crotza suu camin e se'vs demanda si hasetz « jogging », de'u respóner : « Non, jo que hèi « a tròtacan » !

Adara, se, en lòc de trotejar, e'vs gaha l'enveja de córrer com ahuecats, de galopar shens termièra, de sortir deus viòts trepats, d'arrusplar los penents, de devarar las còstas, de passar per las bariconhas, n'es pas mei lo medish espòrt ! Pre'u nomenatar en francés, qu'emplegan un aut

mòt anglés : lo « trail » ! E aquí, s'aimatz aqueuth espòrt d'esmeussat, que vs'aconselhi de díser meilieu que hètz : « galòpa a hutus » o « a podacamas », o enquèra « a hum de calhau ».

Mes que podetz tostamps tutar ! Aqueth espòrt n'es pas tà jo... qu'es trop escamant !

Ne vs'anitz totun pas créder pr'aquò que vau córrer la gojata e sa mair !... Non pas. Jo que camini plan-plan, que m'acontenti de har « a tròtacan ».

*Miquèu BARIS*

## Los farfadèls

Avètz aicí los farfadèls encarats d'aparar los legums de la classa ! Los avèm pintrats, los avèm pincats dins lo nòstre casal, puèi, en jogar ambe las sillabas, los avèm batejats un per un : atal, cada escolan pòt comptar sus qualqu'un mai dins la siá familha !

*Tursalona* es l'amiga de Cloè.  
*Calufar* es lo companh de Quentin.  
*Rafard* es l'amic de Morgan.  
*Caralon* jòga ambe Sandi.  
*Tursal* es amistós ambe Auda.  
*Rafalon* es l'amiguet de Loan.  
*Faron* acompanha Oceana.  
*Fardet* velha sus Tèa.  
*Claradur* aima Nina.  
*Turfadet* s'ocupa de Clara.  
*Carrafa* fai de bestiesas ambe Carla.  
*Rafarsal* velha sus Maxenc.  
*Falonet* es lo companh de Lèa.  
*Carrafal* apara Manon.  
*Lardon* jòga ambe Rafèl.  
*Farradet* batana ambe Remèsi.  
*Turalura* canta per Loís.  
*Farfalón* es l'amic de Jaison.  
*Ratafòl* aduja Tristan.  
*Falordet* aima Èmma.  
*Rafatal* gaita Dilan.

*Creacion dels escolans de CP  
e de Granda Seccion  
– escòla « Joan Molin » de Pena*



Pas per pas pel casal  
Dins las brumas  
De gris de gris de gris  
Sonca branca sonca bròcas  
La grava crica  
Las flors, ont son ?

Trabucar per las turras  
Perduto  
Dins un paisatge graufinhal al gredon  
Per las cambas frejas  
Monta l'imor  
Las flors, ont son ?

Per la finèstra de fums  
Pica pica l'ausèl  
Per engulhar son rai  
Dins lo silenci  
De la passejada  
E las flors, revolum de petac !

Petals petals petals  
Parpalhòls darrièr los uèlhs

*Poèma collectiu en partent  
del trabalh d'arts plastiques  
– CM 1 e 2 de l'escòla  
« Joan Molin » de Pena :*  
Aèl – Ambra – Antòn – Cecília  
– Gabin – Joan-Batista – Julia  
– Lisa – Laurà – Loís – Lucàs M  
– Lucàs P – Oceana – Roman –  
Samuèl – Tomàs – Ugon – Valentín

